

瘍

醫

大

全

易醫大全目錄

卷三十五

諸瘡部

膿肉裏瘡門主論 附方

疥瘡門主論 附方

薄皮瘡門主論 附方

肥瘡門主論 附方

天泡瘡門主論 附方

鮮花瘡門主論

鴉暗瘡門主論 附方

面上熱毒惡瘡門主方

黃水瘡門主論 附方

香癩瘡門主論 附方

金縷瘡門主論 附方

水珠瘡門主論 附方

熱瘡門主論

寒瘡門主論

冷瘡門主論

肉刺毛門主論

魚脊瘡門主論

赤炎瘡門主論

癩瘡門主論

癩瘡門主論

日晒門主論

水漬瘡門主論 附方

凍瘡門主論 附方

汗浙瘡門主論 附方

皴裂瘡門主論附方

蜘蛛瘡門主論附方

漆瘡門主論附方

惡瘡門主論附方

頑瘡門主論

薦瘡門主論附方

血箭門主論

血痣門主論

血疔門主論

疔門主論 附方

干日瘡門主論 附方

瘍醫大全卷三十五

蕪湖顧世澄練江氏纂輯

增錢之栢東

男 櫟燮用和

全枝

諸瘡部

自膿窠疥瘡血箭血痣以及疔子俱彙於此部中以
便檢閱參治

膿窠瘡門主論

陳實功曰膿窠瘡乃肺經有熱脾經有濕二氣交感而成其患先從水泡作癢後變膿泡作疼治當清熱散風涼血除濕爲主

正宗

蔣示吉曰膿窠瘡大如黄豆黃膿起炮痛甚者乃脾虛濕熱者多宜內服四妙湯加蒼朮防風外搽普

濟丹

說約

膿窠瘡門主方

何首烏湯

濕熱風毒遍身膿窠黃水淋漓肌肉破爛

何首烏

防風

金銀花

荆芥

蒼朮

白蘚皮

甘草

苦參

連翹

木通

燈心爲引水煎或爲細末水疊丸每服三錢淡

酒送下

溼泄加澤瀉

夏熱加梔子黃芩

癢加白蒺藜 脾胃弱去苦參加赤茯苓

何首烏丸

何首烏 四兩

荆芥

威靈仙

防風

蔓荊子 炒

車前子 炒

甘草 炙各二兩

研細水法叠丸每早晚淡酒送下一錢五分

連翹解毒湯

四肢濕腫諸瘡

牡丹皮

牛膝

天花粉

木瓜

桃

仁

去尖去皮

金銀花

苡仁

甘草

白殭蠶

連翹

水煎服

膿窠瘡

生大黃

二兩

生石膏

一兩

研細麻油調搽

又方

芝

麻

炒黃色

硫

黃

各等分

研細相油和丸搽之

又方

硫黃末麻油調用尖栳榔蘸在紅缸片上磨搽

又方

多年陳桐油竹燈盞燒之取滴下油加花椒末冷

定搽之

又方

硫黃

花椒

炒各三錢

潮腦 一錢

生明礬

枯白礬

各一錢五分

猪板油 二兩

搗丸夏布包以火烘之候温擦之

又方

蒼朮 四錢

老松香 三錢

枯礬 二錢

烟瀝

鞋底皮 煨灰

輕粉 各五錢

檳榔 二個

共研細熬鹹猪油調搽

又方

密陀僧

硫黃

石膏

雄黃

各等分雞蛋清調搽

又方

花椒

白芷

雄黃

血竭

明礬各等分

研細末用陳蠟油適清調搽

又方

松香

輕粉各二兩

香油膠調搽並治疥瘡

又方

硫

黃

三錢包豆腐
內煮半日用

松

香

二錢

東

丹

一錢

共研極細末用雞子七個煮熟去白用蛋黃先將銅杓置火上加菜油少許入雞子黃煎至黑色油自出也取油調搽

又方

用雞蛋一個打一孔去黃留白入礬石灰二錢用紙封口外用鹽泥封固火煨通紅去泥研細茶油調搽

又方

雄猪油 四兩

花椒

梔子 各三錢

防風

蒼朮

當歸

連翹 各五錢

煮酒飲

濕熱膿窠爛瘡

大蚌殼 火煨一兩

輕粉 一錢

龍骨

飛丹

枯礬 各少許

研細桐油調搽

百效丸 劉氏秘方

不拘遍身上下手足膿窠血瘋疥癬

黃

柏為君

苦參為臣

連翹

川牛膝

何首烏

當歸尾

生地

牡丹皮為佐

防風瘡在上為使

防已

荆芥

紫蘇葉瘡在下此三味為使

右為末神麩打糊為丸每服三錢白湯送下

一服完除根不發加蛇蛻一兩炒研更妙

又方

蛇蛻一條

豆腐皮三張

同炒研末無灰酒調服今夜服之次早其瘡自愈並治疥瘡

又方

紅棗

去核

芎

去鬚

搗爛煎湯先薰湯溫卽洗洗久

自然不痛搗破皮洗去膿一日卽結痂

膿窠疥瘡

方配京

鮮菖蒲根搗爛擦或全猪油搗勻布包擦

遍身生瘡藥酒

王樵邱

虎骨

酥炙

薏苡仁

各一兩

當

歸

金銀花

防風

白茯苓

連翹

懷生地

貝母

各四錢

蒼耳子

羌活

天花粉

白芍

各三錢

海風簾

黃栢

茅蒼朮

各二錢

共入絹袋盛好酒十觔浸三日隔水煮埋地下

七日出火毒每飲數杯

膿窠瘡流黃水搔癢不已延蔓無止

官粉

一兩炒黑

冰片

三分

研細搽

濕熱膿窠

生苡仁

桑枝

鮮松葉

五加皮

各四兩

赤首烏

八兩

火酒十觔浸七日飲

膿窠瘡

防風

金銀花

花椒

粉丹皮

生地

甘草

羌活

苦參

當歸

連翹

荆芥 各五錢

右用麻油一筋入鍋熬枯濾去渣復入淨鍋內
熬至滴水成珠入黃蠟一兩任其自化或加紫
草五錢亦可離火放土地上出火毒搽之

又方

木鱉子

樟腦

蛇床子 各三錢

水銀

雄黃 各八分

大楓子 四錢

共研至水銀無星爲度加陳燭油爲丸擦之疥

瘡通用

膿窠疥瘡藥酒方

生地

金銀花

當歸

蒼

朮

各二兩

猪板油

十兩

入壺內加酒十五觔封口隔水煮一炷香退火

氣三日任飲

疥瘡門主論

王肯堂曰疥有五種一曰大疥

焮赤癢痛作瘡有膿

二曰馬疥

隱起帶根搔不知痛

三曰水疥

瘡癰含漿摘破出水

四曰乾疥

癢而搔之皮起

乾痂五曰濕疥

薄皮小瘡常常淫汁者是也

宜分治之

準繩

陳實功曰疥瘡皆因脾經濕熱肺經風毒客於肌膚

毒之淺者為疥毒之深者成癬脾受疹濕之熱發

為膿窠爛瘡疥癬皆有小虫染人最易切忌熱湯

浸洗圖片刻之快暢殊不知熱毒攻裡虫愈深入

雖有良方何能刻日奏效患者戒之兼忌一切發

物海鮮 正宗

生瘡疥不可在浴堂內去浴必須以藥湯在自家屋

內浴之至於藥裹紙內或在火爐或在被內燻治

切不可爲訓恐引毒入臟腑害人慎之慎之

石室秘籙

蔣示吉曰疥有乾疥濕疥虫疥砂疥紫疥之稱小如

疹子乾而且癢者是此乃風熱虫也宜內服疥靈

丹外搽三黃丹自愈

說約

心法曰疥有乾濕蟲沙膿五種如肺經燥盛則生乾

疥癢癢皮枯而起白屑 脾經濕盛則生濕疥瘡

腫作痛破津黃水甚流黑汁 肝經風盛則生蟲
疥癢癢徹骨撓不知痛 心血凝滯則生沙疥形
如細砂炊赤癢痛抓之有水 腎經濕熱則生膿
窠疥形如荳粒便利作癢膿清淡白或脾經濕盛
亦生膿窠疥但頂含稠膿癢痛相兼爲異而體虛
之人亦生以便秘爲實便利爲虛亦有虛而便秘
者如氣秘則便燥血分枯燥則便澁又在瘡之形
色脉之有無力辨之

疥瘡門主方

消毒散

遍身癢疥

金銀花

連翹

白蒺藜

荆芥

白芷

牛蒡子

防風

白蘚皮

赤芍藥

甘草

水煎服

日久不愈加何首烏

乾燥加當歸

有熱加黃芩

下部多加黃柏

小便瀉加木

通

疥靈丹

枳殼麩炒

山梔

連翹

荆芥

當歸

羌活各七錢

白蘚皮炒

白芷

苦參糯米泔浸一日各一

兩

右為細末煉蜜為丸桐子大每服五十九丸白湯

送下立可除根

疥癬膿窠一服除根

何首烏

石菖蒲

荆芥

防風

漏蘆

各等分

右爲末每服三錢酒調下

療毒湯

治一切久遠痛癢諸瘡

何首烏

荆芥

獨活

防風

威靈仙

胡麻

石菖蒲

苦參

白湯煎服

硫黃丸

硫黃 精明者一兩

研細末糕搗丸如桐子大合三兩重看瘡上身
多食後服下身多食前服俱用荊芥湯送下五

六十九

搽疥方

大楓子 三十枚去殼全 杏 仁十粒 水銀 一錢

生猪板油一兩全搗爛麻布包擦神效

又方 陳在賓

藜蘆 明雄 蒼朮 各三錢

健猪油二兩和藥包草紙內捲成條火燒滴油
搽之但此法製時忌與人見人若見則油燒不
下

青桃丸

油核桃 猪板油 各三錢 白薇 二錢

輕粉 防風 蘇葉 各一錢

搗丸如彈子大擦之

減味合掌丸

大楓肉

二十一箇

水銀

製三錢

潮腦

一錢

相油四兩研細丸彈子大以火微烘搽之

換肌丸

白砒

水

銀

各三分

油核桃

五錢

大楓肉

一錢

全研不見星爲度絹包每臨臥時擦心口片時

兼戒口味

蛇蛻丹

水銀

楨

榔

各一錢五分

潮腦

一錢

枯礬

蛇蛻煨

雄黃

油核桃

花椒焙各五分

杏仁

大楓肉各二十一枚

共研細陳蠟燭油為丸每早五更時手搓鼻嗅

三黃丹 吳黃九

硫黃

雄黃

黃丹

潮腦

川椒焙

枯礬各等分

用麻油四兩雞蛋一個將蛋煎枯如絮去蛋不

用將藥末裝粗布袋內慢慢擺入油內取起冷

定搽之或全猪板油搗勻搽之亦可

又方

芝 蘇炒 硫 黃 輕 粉

火 硝 枯 礬 各等分

搗丸搽之

又方

栢油和猪膽汁熬一滾候冷定搽上三日全愈

又方

大楓子肉十三粒搗爛入輕粉一錢和丸擦腳底

數次即愈

又方

蛇床子

五分先研細末

白

砒

九分二次研細

大楓肉

三兩三次研細

油核桃

三十個四研細水

銀

一兩五次研細

作五次逐味加入研細臨晚浴淨先飲無灰酒

待其作癢然後抓破分五日擦之

三聖丸

木 銀

潮

腦

各二錢

川楓子肉

五十粒

共研極細加柏油二錢研勻為丸週身滾之立

愈若兼瘰癧加硫黃一錢

諸瘡一掃光

此藥治癩瘡不論新久及身上下或乾或濕異類殊形但多癢少痛者用之俱各有效

苦參 黃柏 各一觔 烟膠 一升

枯礬 木鱉肉 大楓肉

蛇床子 點紅椒 潮腦

硫黃 明礬 水銀

輕粉 各二兩 白砒 五錢

共爲細末熟猪油二觔四兩化開入藥攪勻作
丸龍眼大磁瓶收貯用時搽擦瘡上二次卽愈

又方

蒼朮一觔研末鋪床上單被掩之睡五七夜自痊

又方

山萸肉 五錢
黃豆 一兩
硫黃 三錢

先將萸肉黃豆炒研加硫再研用銅鍋熬雞蛋
油調搽三四日愈

又方

硫黃

皂礬

枯礬

川椒

油核桃

檳榔

各等分

共研細猪油調搽

又方

鴿糞

枯礬

硫黃

石膏

蛇床子

各等分

共研細猪油調搽

又方

輕粉

雄黃

寒水石

枯礬

大楓肉

潮腦

各等分

研細相油調勻搽三五次見效除根

又方 岐天師

蘇葉

防風

輕粉

各一錢

白薇 二錢

猪板油

油核桃

不可去油
各三錢

共搗成圓如彈子大擦瘡上一日愈

合掌丸

大楓肉

四十粒

水

銀

製二錢

枯

礬

番木鱉

川

椒

各三錢

海螵蛸

雄黃 各五分

油核桃肉搗丸並治沙瘡

又方

水銀

東丹

各二錢

潮腦

各三錢

枯礬

鉛粉

輕粉

各三錢

大楓肉

雄黃

各四錢

熟菜油或陳蠟燭油調搽

青金散

松香

二兩

蛤粉

五錢

青黛

二錢

枯礬

輕粉 各三錢

為末燭油調搽並治煉眉疥癬

又方 集驗

治一切惡瘡醫所不識者

明松香

鉛粉

水銀

黃栢

黃連

甘草

土蜂窩

著土壁上者南方多有之各等分

先將水銀放手掌中以唾津殺為泥入磁器中

以生麻油和研生絹濾如稀餳和藥末再研如

稠餈用溫水洗瘡軟帛拭乾塗之一次卽瘥有
黃水者塗之隨手便乾癢不堪忍者塗之立止
痛甚者立定治疥尤佳抓破搽藥

洗疥

紫背萍煎湯洗

又方

苦參半觔切片用河水三四瓢煎數滾添水二瓢
住火片時濾去渣臨洗和公猪膽汁四五枚攪勻
淋洗瘡上三日一洗三次其癢立止矣

又方

苦參一兩 蛇床子 黃柏

荆芥各五分 白礬二錢五分

煎湯溫洗

又方

防風 荆芥 野菊花

苦參 馬鞭草 白礬

花椒

水煎濃汁薰洗

又方

莧菜根煎湯洗

又方 岐天師

蒼耳草 半劬

生黃芪 三兩

苦參 四兩

生甘草

防風

荆芥

金銀花 各一兩

水煎湯一大鍋傾盆內乘熱薰之外用蓆二條
裹在盆外用衣蓋之使氣不散俟稍涼浴之必
至湯寒而後已一日再浴將搯再煎如前浴之

三日瘡疥必全愈也

諸瘡作癢並治痘瘡作癢

茵陳一味燒烟薰之

身上起窠子眼胞腫

金銀花 一兩 當歸 防風 各五錢

薄荷 二錢 甘草 三錢

煎湯先薰後洗祛風妙法

滿頭癩瘡及手足身上陰器膚囊搔癢抓爛淋漓

黃連 五錢 蛇床子 二錢五分 五倍子 一錢二分 五厘

輕粉二十五
貼

研勻先以荆芥葱白煎湯洗拭乾清油調搽

膿疥瘡集驗秘方

烟膏 東丹各一兩 雄黃

硫黃各三錢 輕粉一錢

研末醃猪油調抹如連片將油紙攤藥縛好不

動三日脫光

身上生碎虫瘡官方

大楓子 油核桃各二錢五分 水銀一錢

信石 一分

共重六錢一分九做六丸每日用一丸上身多於臍上揉之下身多於臍下揉之空臍處不揉連用五日用去五丸歇下一日再用第六丸收功

疥癬膿窠神方 劉氏秘法

硫黃 五錢

巴荳霜 四錢

黃丸子

即麥芽黃豆肉為末

雄黃 各三錢

銀硃 二錢

白砥

五分

共研細末每用一錢入後製藥油一兩和勻搽

之三日全愈

附製瘡藥油法

雄猪油一筋 續柳 大黃 黃栢 麻黃 各一兩 水三碗 全藥入鍋內熬至水乾 油出 濾去渣 冷定收貯 調一切瘡癬 擦藥俱有奇功

劉氏秘製金毛獅子瘡藥

黃 芩

荆芥穗

黃 連

五 棗子

茜 草

槐枝頭

芒 硝

黃 栢 各二兩

共為粗末再炒老黃色 再加

土硫黃 醋煮

枯 礬 各二兩

共研細末 再加

巴豆肉 三錢

草薢仁 五錢

大楓子 淨肉二兩

共搗如泥全前藥和研勻細再加

水 銀

黑

鉛 各一兩 全研

雄 黃

潮 腦 各五錢

共前藥研和一處每用一錢以前製瘡藥油調

搽治一切血瘋疥癬手足諸瘡如神凡脚上患

血瘋瘡多年不愈先以藥水洗淨拭乾再以研

細輕粉薄薄搽上再搽瘡藥 凡搽瘡藥先一

日用油調鹿角霜細末厚敷瘡上過夜次日再
搽瘡藥更妙

胡麻丸

小兒風癬疥瘡

苦參 五錢

石菖蒲

甘菊花 各一兩

何首烏

威靈仙

白蒺藜

荆芥穗

牛蒡子

胡麻仁

蔓荆子 各三錢

右磨細末酒糊丸葉豆大每服一錢竹葉燈心

湯下

疥瘡

雄檳榔磨麻油搽

又方

大楓子肉

油核桃肉 各四兩

共研爛裝入竹筒內封口放鍋內煮一炷香傾
出加陳蠟燭油布包擦

乾濕疥並膿窠黃水瘡作癢作痛

枯礬

四兩

蛇

蛻

燒存性

露蜂房

燒存性 各五分

大楓肉 二兩

樟

冰 三錢

共為末入相油四兩水銀五錢全研成膏搽

疥瘡及婦人陰蝕瘡諸般惡瘡

蕪 荑

蛇床子

各一兩

雄

黃

大楓肉

川椒

硫

黃

各五錢

枯 礬

一兩二錢

潮

腦

輕

粉

各二兩

共研細猪油調搽

一切諸瘡發癢

枯 礬

乾

薑

各等分

研細先用細茶食塩煎洗再乾摻

諸瘡疥癬

烟膏

即補皮坊內竈上烟薰油膩

黃丹

水飛各一兩

硫黃

五錢溶化地上掘一孔貯醋傾入冷定

土貝母

白芷

羌活

枯礬

各二錢

麝香

一錢

輕粉

三分

共為細末磁瓶收貯有膿水者乾搽無膿者相油燭調搽如禿瘡剃淨頭以豆腐水洗拭乾搽

又方

熟雞蛋一個打破頭取去蛋黃入麻油於內加硫黃少許放灰火上坐定俟油滾起沫蘸塗瘡上即愈

參芪丸

治疥瘡膿窠

生黃芪

苦

參

酒炒

茅蒼朮

米泔炒
各一筋

共磨細末水法疊丸菜豆大每服三錢白湯下

驗方

大楓子

四十九粒去殼搗
如泥放碗內

外用麻黃

三錢去根去稍

斑蝥

七個去頭足翅

雄豬油二兩全

熬化至炭去渣將滾油沖入大楓子碗內攪勻

將瘡用穿山甲抓破搽之不過三日全愈此藥

妙在外發並不內收須勤擦之

又方

水銀

硫黃

枯礬

樟腦

各二錢

松香

一錢

先將松香水銀全麻油研如糊再入三味研如

膏擦之

疥瘡

水銀一錢

松蘿茶三錢

麝香一分

大楓肉二十個

右研細擦前心後心兩手灣兩腳灣如神

膿窠疥

大楓肉

杏仁

桃

仁

各四十粒

研細用麻黃五錢猪油熬去渣和藥調搽

膿窠疥

北細辛

麻黃

大楓肉

各五錢

全 蝎 二個

右用猪板油十兩熬枯去渣搽

疥瘡

石灰二升以湯五升浸取汁先用白湯洗瘡拭乾
再以此汁洗之

又方

搗羊蹄根和猪脂入塩少許塗之

又方

大楓子 五錢

水

銀 一錢五分

明 礬

花 椒 各二錢

研勻以猪油拌藥搗爛搽

薄皮瘡門主論

薄皮瘡又名廣瘡破後只一薄皮者是此風熱鬱於皮毛而成也

薄皮瘡門主方

驗方

苦參

密陀僧

蛤粉

兒茶

各等分研細先將瘡洗淨搥去白皮拭乾瘡上
陳臘猪油調搽如有膿水乾摻可也

肥瘠



肥瘡門主論

陳實功曰肥瘡由胎毒而成者少因飲食之後油手

摩頭或枕頭不潔而成者多 正宗

申斗垣曰此瘡宜槐條煎湯洗淨以烟膠枯礬輕粉

研細熟油調搽 啟玄

馮魯瞻曰此瘡乃臟腑不和之氣上衝血熱之毒上

注小兒陰氣未足陽火有餘故最多犯之宜內服

連翹天花粉荆芥防風貝母元參赤芍藥生地黃

牛旁子清熱解毒涼血和血之劑俟毒氣少解方

外用藥以塗之切不可驟加寒涼塗過以致熱毒
內攻不救蓋小兒臟腑嬌嫩易入難出也

錦囊

肥瘡門主方

肥瘡

胡黃連

輕粉

雄黃各三分

膽

礬二分

枯

礬一錢

猪蹄鞋

三個煨存性

研細將瘡洗淨搽之

又方

肥皂子煨存性研末猪膽汁調搽

又方

松香

血丹

各等分

研細猪板油搗汁青布捲條燒之取油搽

又方

東丹 八分 枯礬 一錢 直鉛粉

松

香 各二錢入葱管內飯上蒸化待冷去葱用

共研細末熱香油調搽猪油亦可

又方

黃花 燒灰 輕粉 少許

研勻乾搽

小兒頭上肥瘡黃水瘡梅花禿

銅綠 松香 各三錢 黃蠟 二錢

香油一兩五錢 熬勻塗之

頭上生瘡俗名黏瘡絕妙方 周氏集驗

海蝶蜻 二錢 白膠香 輕粉 各五分

研勻清油潤瘡以藥乾摻

肥瘡極凶者

苦參 何首烏 當歸

葳靈仙 甘草 金銀花

胡麻 石菖蒲 連翹

生地 蟬蛻

酒水全煎

又方 鴻禧東房傳

大楓肉 五錢

白信 三分

油核桃 五個

共搗勻作三九夜間取一丸在心口用手擦至
二更天氣藥散開仍聚胸臆仰面而臥次夕亦
然間一夜再擦一九七日後全愈

頭面肥瘡 經驗

輕粉

飛血丹

白礬

雄黃 各等分

研細裝入葱管內兩頭紮煨過加龜版灰少許
研菜油調搽立效

栢油膏 劉氏秘方

治小兒頭上肥瘡羊鬍瘡奶癬瘡膿窠瘡脚上
血瘋瘡癬婦人鈕扣風裙邊瘡耳上濕瘡如神

栢油 一兩
蘇油 四兩
明礬

銅綠 各二兩
鉛粉 一兩

共入鍋內熬成紅色下黃蠟二兩化盡俟溫不

住手攪勻離火入羊膽汁二個如無入牛膽汁

一個猪膽汁二個攪勻磁鉢收貯搽之或調金

毛獅子瘡藥搽瘡更妙

肥瘡 玉衣蘭

紫草浸冰麝頭油搽二三次愈

肥瘡癩癬

煮雞蛋黃二個入銅鍋內熬出油入松香一兩五

錢熬枯為末又用麻油一兩入蜈蚣一條 去頭尾入

油內熬枯去渣冷定調前末聽用 先將瘡用搽

猪湯煎滾洗透去腥或剝頭後用雞蛋數枚加花
椒五分以香油攤煎餅蓋頭上用麩帽蓋之過一
宿再用蜈蚣油調松香末搽之

又方

海蝶蛸研末炒微黃搽

又方

厚樸烘脆研細末麻油調搽

又方

香附

枯礬各三錢

煎水洗

又方

老鹽魚一塊香油炙焦去油以油搽之

爛着頭瘡

小麥炒黑色爲末酒調敷

頭上肥瘡

宰猪退毛湯洗數次

天泡瘡門主論

陳實功曰天泡瘡者乃心火妄動脾濕隨之有身體
上下不同寒熱天時微異上體者風熱多於濕熱
宜涼血散風下體者濕熱多於風熱宜滲濕爲先
若不早治久則變爲頑風紫癩難愈

正宗

申斗垣曰此瘡屬手太陰肺經肺主皮毛因受暑熱
濕蒸之氣故遍身燎漿白皰疼痛難忍皮破赤沾
也

啟玄

王肯堂曰天泡瘡卽丹毒之類而有泡者由天行少

陽相火爲病故名天泡爲風熱客於皮膚間外不
得泄佛熱血液結而成泡如豌豆瘡根赤頭白或
頭亦赤隨處而起若自裡達於外發在春夏三焦
俱熱則服通聖散若止從頭項兩手起者此上焦
熱也則服涼膈散若從身半已下起者則服黃連
解毒和四物湯若發於秋冬則宜升麻葛根犀角
或加栢苓一二味外敷如馬齒莧吳藍赤小豆苧
根之類皆解毒消腫可用於初起之時或鼈甲水
龍骨各煨存性則收濕生肌可用於浸淫之後準繩

馮醫鑿曰有種天行斑瘡須臾遍身皆戴白漿此惡
毒氣示微四年此瘡自西域東流於海內但煮食
葵菜葉以蒜蘸啖之卽止 錦囊

天泡瘡門主方

胡粉散

天泡紅腫發熱急服疼痛用針挑破摻之

石膏煨

蛤蜊粉

輕粉各三錢

杭粉一兩

共研極細挹乾患上用此摻之或用絲瓜葉搗

汁調搽如冬月無絲瓜葉用染布青缸汁調搽

石珍散

天泡日久作爛疼痛不已膿水淋漓

石膏煨 真輕粉 各一兩 青黛

黃栢 各三錢

研細甘草湯洗淨以此藥摻之其痛即止

又方

銀粉煨赤 用鮮絲瓜葉搗汁調搽

又方

馬齒莧搗汁搽

又方

靛花汁搽

又方

陳螺蛳殼煨研乾摻

又方

蚌殼煨研摻

又方

蛤蜊殼煨研摻

又方

苧麻根搗汁搽

又方

瘡醫本全
井底泥敷

又方

芭蕉根搗汁敷

又方

小麥炒焦研末生桐油調敷

又方

大紅紙剪如瘡大清水潤濕以紅紙正面貼瘡上

又方

馬桶中垢刮下新瓦焙乾麻油調搽七日愈

又方

蚯蚓泥畧炒研末蜜調敷

又方

菊花根汁搽

又方

絲瓜皮汁搽

又方

荔枝核醋磨搽

又方

脩要

輕粉青黛等分研細瓦花汁調搽立效

又方

蠶豆殼燒灰塗之

又方

枯礬

寒水石

青

黛

各等分

研細新汲井水調搽

翻花瘡門主論

周文采曰初生如飯粒漸大而有根頭破血流膿出肉反如花開之狀故名翻花瘡

集驗

陳實功曰此瘡頭大而蒂小小者如豆大者如菌無苦無痛搯損每流鮮血久亦虛人大法當以津調水蠟散遍擦正面外用軟油紙包裹根蒂細處用線連紙裝緊十日後其患自落換擦珍珠散收口正宗

鴉喙瘡門主論

寶漢卿曰鴉喙者久中邪熱臟腑虛寒血氣衰少腠
理不密發於皮膚之上相生如錢竅後爛似鴉喙
日久損傷難治用鴉喙散 全書

鴉啗門主方

鴉啗散 竇氏

老鴉毛 燒灰

大紅絨 燒灰

黃丹 各一錢

珍珠 五分

冰片 一分

麝香 少許

輕粉 三分

枯礬 五分

右為細末先用苦茶洗淨乾摻

面上熱毒惡瘡門主方

面上生瘡

胡粉

輕粉

松

香

各等分

研細雞蛋黃灰油調搽

面上熱毒惡瘡

馮氏

胡粉

黃

栢炙

黃

連

各等分

研細猪油調敷

面上毒瘡初起

凌漢章秘方

急尋水蛭蚰一二條用醬少許共搗塗紙上留一

小孔透氣貼上

黃水瘡門主論

申斗垣曰黃水瘡又名摘膿瘡

敬立

陳實功曰頭面耳項忽生黃泡破流脂水頃刻沿開
多生痛癢此因日晒風吹暴感濕熱或內殮濕熱
之物風動火生者有之治用蛤粉散或四味異功
散搽之

正宗

馮曾瞻曰面上耳邊生瘡時出黃水浸淫不愈名曰

香瓣瘡

錦囊

凡初起細瘡手少動之卽破毒水流入何處卽生大

水泡瘡卽爲黃水瘡此熱毒鬱於皮毛也當以湯

洗之

秘錄

黃水瘡門主方

四味異功散

松香煉老 生礬 枯礬

銀粉

各等分研細先將搗猪湯或米泔水熬洗去淨
瘡屬拭乾穢水乾則麻油調搽濕則乾摻

面上黃水瘡

酸棗 荊芥 羊鬚各煨灰存性一錢

鉛粉五錢

研細先以槐條煎水洗淨將藥敷上其瘡白好
洗法 岐天師

雄黃

防

風

各五錢

水十碗數滾去渣取汁洗瘡卽愈

又方

鉛粉用菜油調塗磁碟內多捲紙板點着合薰時
時攪勻待遍黃聽用將磨剝去搽上立愈

又方

周氏抄本

雄猪膽一個黃栢一兩浸焙乾爲末摻之

又方

松香研細直麻油調搽

又方

銀粉并水調塗碗底以艾團燒烟薰轉綠色刮下
研細濕則乾搽乾則油調搽

香瓣瘡門主論

申斗垣曰香瓣瘡又名浸淫瘡初生甚小先癢後痛
汁出浸淫濕爛肌肉延及遍身多生面上耳邊

啟

香瓣瘡門主方

面上耳邊香瓣瘡

殺羊鬚

荆芥

乾

棗

去核各取
存性二錢

研細入銀粉五分每用少許油調先以溫湯洗

淨拭乾塗上即愈

小兒身上起白癩如珠綴一二日即破膿水外流癢

甚一處方好一處又起

如意草搗爛敷之以長布縛定一夜即安

又方

雞蛋殼煨存性研細猪油調搽

又方

紫草一錢麻油浸先搽一塊好了再搽一塊

金絲瘡門主論

金絲瘡形如繩線巨細不一上下至心卽死治法將

瘡頭截住刺之出血再用藥治

集驗

金絲瘡門主方

驗方

嚼薄萍塗之即愈

火珠瘡門主論

火珠瘡其形如珠始於髮中相染不已亦有傷命者
其熱如烙四畔紅赤中藏明亮如珠此心肝二經
積熱熾盛而成

火珠瘡門主方

驗方

生蘿蔔搗爛將滴醋浸敷瘡上

熱瘡門主論

申斗垣曰心神煩躁遍身發瘡赤爛如火

啟玄

李東垣曰熱瘡遍身發瘡膿血赤爛如丹儼如火燒

瘡

熱瘡門主方

驗方

劉禹錫傳信方

雞蛋五枚煮熟去白取黃亂髮如雞子大相和於
鐵銚中炭火熬之初甚乾少頃卽髮焦乃有液出
旋取置碗中以液盡爲度取塗瘡上卽以苦參細
末敷之如神

二黃散

川黃連

黃

栢

各三兩

赤小豆

菜豆粉

各一兩

寒水石

紫蘇

漏蘆 各七錢

共研細末 麻油調搽 一日三次

寒瘡門主論

寶漢卿曰寒瘡令人面上及遍身生瘡似猫眼有光彩無膿血久則近脛此乃脾家濕熱所化宜服雄黃解毒丸清肌滲濕湯多食魚雞葱蒜自愈惟鯉鮎魚蝦蟹不可食

全書

心法曰猫眼瘡一名寒瘡每生於面及遍身由脾經久鬱濕熱復被外寒凝結而成初起形如猫眼光采爛爍無血但痛癢不常久則近脛宜服清肌滲濕湯外搽妙貼散

冷瘡門主論

申斗垣曰身觸風寒冷氣以致血澁不行其瘡頑滯
不知痛癢經久不愈宜用椒附雄礬膩粉油調敷
微玄

肉刺毛門主論

汪省之曰肉刺毛隱隱生人遍身皮膚手足間如虫
鑽刺令人難忍若一犯房慾其毒直刺心胸宜礪
砂散主之

理例

魚脊瘡門主論

實漢卿曰魚脊瘡者乃臟中積冷腎氣虛寒故虛熱
得傳經絡筋骨之間發動不知何處初生如疽癩
破時黃水流生白泡似魚脊若不速治肉爛膿流
命亦難保 經驗

赤炎瘡門主論

申斗垣曰赤炎瘡乃手太陰肺經感受風熱肺主皮毛其經多氣少血故遍身紅瘡點子又名赤炎風乃心火盛血熱也有赤點或有或無久而不愈變爲厲風 啟玄

癰瘡門主論

直指方云癰瘡上高下深纍垂如瞽眼其中帶青頭
上各露一舌毒孔透裏用生井蛙皮煨存性蜜水

調傅良

詳本草綱目毒部

癩瘡門主論

馮曾贍曰癩瘡者因風熱毒氣所乘搏於皮膚生癩
窠而潰成瘡故名之

錦囊

日晒瘡門主論

申斗垣曰此乃酷日晒曝先疼後破而成瘡此辛勤
勞作傭工務農之人多有之宜製柏散加青黛治
之 敬立

水漬瘡門主論

申斗垣曰車鑿匠及染匠辛苦人久弄水漿不得停
息以致手了濕爛名曰水漬瘡

啟立

水漬瘡門主方

驗方 啟立

礬水浸洗數次自愈

凍瘡門主論

陳寶功曰凍瘡乃天時嚴冷氣血冰凝而成手足耳

邊開裂作痛

正宗

申斗垣曰凍瘡先痛後腫遇煖發燒破流膿血

敬立

石室秘錄云凍瘡乃人不耐寒而肌膚受冷驟用火
烘乃成凍瘡至於耳上凍瘡必是人用手溫之反
成此累也

正字通云今俗呼足跟凍瘡曰竈瘡

蔣示吉曰凍瘡乃肌肉寒極氣血不行所謂死肌患

也初起紫斑久則變黑腐爛作膿碧玉膏主之生

肌斂口

說約

澄

謂熱肌經冷風所激凝滯成片作癢此是凍風切
勿火烤亦忌熱手摸擦越摸越甚一經紫黑破損
卽成凍瘡宜棟樹果煎湯洗極效

凍瘡門主方

凍瘡疔裂

桐油 八兩
白蠟
黃丹 各一兩

熬膏貼之

又方

棟樹果煎湯淋洗卽以棟樹果擦之神效

又方

五倍子
牛鼻中繩 煨灰各
等分

研末填凍裂處

又方

松香二兩 黃蠟一兩

熬勻瓦罐收貯先以熱湯洗令皮軟拭乾將藥於慢火上炙化塗之

凍耳凍跟

端午日取猪板油四兩去皮膜加乳香二分輕粉三分雄黃五分研入米燒酒內拌勻再入油拌過俟收乾懸屋簷下陰乾搽之

手足開裂經春夏不愈者

生薑搗汁
紅糟
食鹽

臘猪油

共研爛擦入鞍內一時雖痛少頃便軟鞍合再用即安

免凍瘡法

杏仁
天花粉 一兩
紅棗 十枚

猪胰 三副

共搗如泥用好酒四杯浸於磁器內早晚擦手及頭面

冬月凍瘡皮裂疼痛

黃蠟一兩熔化入松香三分攪勻每以溫湯洗拭裂處用前藥熔化滴入裂縫經旬即愈

凍瘡未破者

白礬研末一錢百沸湯半鍾攪和雞毛掃塗烘乾擦去患處白屑再掃再烘藥盡自愈

洗凍瘡

秋茄根煎湯乘熱洗之如皮破以螃蟹殼煨灰摻之

又方

白芨二兩煎湯洗之如破爛者洗後用橄欖核燒研為末搽之

又方

陳石灰

黃狗屎

露天久者變成白色用炭火煨過各等分

研細末以麻油調之敷上雖成瘡潰爛敷上即止痛生肌

凍瘡久爛不愈

糖漿餅杓內炒成灰研末一兩加水片少許乾摻

又方

獨蒜煨杵爛貼

又方

熬熟桐油調密陀僧末敷

又方

五倍子研末和牛骨髓填縫內卽好

又方

荆芥煎湯洗之三日愈

又方

生附子爲末麩水調敷或加棟樹子肉搗敷

又方

麻雀腦子塗之

又方

猪腦子加熱酒洗

又方

臘月羊油懸掛屋內愈陳愈妙搽之立愈

又方

白芨末調敷裂處

又方

羊屎不拘多少煨令存性砂糖調敷

又方

狗骨煨存性研末香油調填裂圻內

又方

附子皮煎湯洗

又方

陳蠟燭油全白蠟搽之

又方

糟湯浸洗薑汁塗之

脚指凍風爛化

棉花燒灰摻之

凍瘡

油煎脂搽之

又方

玉紅膏搽之

又方

五倍子猪油搗成膏填入裂縫

凍耳

姜汁煎塗

凍跟

茄根煎湯洗

免凍

櫻桃擦耳擦腳後跟冬來不生凍瘡

凍瘡

舊貂毛煨存性搽

又方

凍瘡已破者用黃柏末七分生皮硝三分末破者用黃柏末三分生皮硝七分俱用冷水調搽

又方

鴿糞煎湯洗

又方

蠟殼燒枯研細菜油調搽

又方

先用胡椒煎洗拭乾再用胡椒研細滲上外以新棉包裹用布紮好

又方

鮮蠶豈梗葉煎湯洗

又方

雪擦洗凍處

又方

魚膠熬化攤膏藥貼破裂上俟長平自落

又方

甘草甘遂煎湯熱洗三次

凍風開裂

敗荷葉梗 燒存性 頭 垢

桐油熬過調膏捺成一塊臨用切作小條揲在
裂縫內

又方

醃菜滷煎滾洗

汗浙瘡門主論

申斗垣曰肥人夏月久不洗浴被汗淹浙皮膚浙爛
成瘡痛不可忍名曰汗浙瘡 敬立

汗浙滄門主方

驗方

真蛤粉

滑

石 各等分

研勻撲之

皴裂瘡門主論

凡撐船推車打魚染匠輾玉木瓦辛苦之人手足皴裂挽動出血痛不可忍名曰皴裂瘡

啟玄

皴裂瘡門主方

驗方 啟立

宜用地骨皮白礬煎湯洗之至軟再用臘月羊油
燉化入研細輕粉一錢搽之神效

蜘蛛瘡門主論

陳實功曰蜘蛛瘡或衣沾蜘蛛遺尿或虫蟻遊走而成初生白泡紅根作癢日漸開成簇作痛

正宗

申斗垣曰此瘡生於皮膚間如水窠瘡相似淡紅且痛五七個成簇亦能蔭開可用苧蔴在瘡上揉搓出水卽以苧蔴燒灰爲末摻在瘡上卽愈

啟玄

汪省之曰蜘蛛尿着人身上卽生瘡如粟粒纍纍似蠅虫螫痛亦能惡寒發熱卽以犀角磨汁塗之則愈不然以苧蔴搓去瘡內水汁用金黃散搽之

理例

蜘蛛瘡門主方

驗方

公雞涎掃之

又方

公雞嘴瓜甲煨灰敷之

又方

用蟾酥丸全陳京墨磨搽

又方

苧麻搓瘡令破出水以雄黃枯礬等分研細乾摻

漆瘡門主論

陳實功曰漆味辛熱火象有毒之物人之皮毛腠理不密故感其毒而成先發作癢抓之漸似癰癤出現皮膚傳遍肢體皮破爛斑流水作痛甚則寒熱交作忌浴熱湯兼戒口味不然卽變頑風癬癩矣

正宗

申斗垣曰漆瘡令人渾身上下腫起如癩如火刺刺而痛皮膚燥裂三五日比風熱瘡或疼或癢爲異

敵玄

又曰宜韭菜搗汁調三白散塗之

澄

曰木形人遇漆起泡發癢變瘡肢腫作痛甚者寒熱交作此疾雖小有受者遍身頭面似癩癩浮腫生瘡痛癢毛髮脫落心神恍惚不得眠者因療之遲遂爲他證或成風癩真可畏也

漆瘡門圭方

驗方

栗樹皮

去淨外面黑皮用裏面青皮炒焦

煎水冷洗三四次

又方

木匠店木梯煎湯洗之

又方

皮硝不拘多少用熱水化開新筆掃之

又方

生蟹取黃塗之

又方

老柳樹皮煎水洗一日三次

又方

乾荷葉一觔水煮濃汁洗

又方

柳葉煎洗三五遍內服香油一二碗外搽生薑黃

又方

鐵匠店磨鐵槽中泥塗之即愈

又方

嚼沫塗之

又方

磨刀泥塗

又方

蟹殼滑石研細乾者蜜和塗之濕者乾末搽之

又方

石膏輕粉韭汁調搽

煎方 集驗

元參

知母

石膏

人中黃

黃連

升麻

連翹

牛蒡子 各一錢

甘草 五分

淡竹葉二十片煎不拘時服忌浴熱水兼戒口
味否則變爲頑風癩愈而又發者多矣

又方

柳葉搗爛煎湯洗

又方

新鮮松木打碎煎水洗

又方

生雞蛋黃塗乾則又塗不過三五次

又方

搗韭菜根塗之

又方

煮薤菜洗之

又方

頻以鹽湯洗之

凡素常遇漆味卽患漆瘡者

川椒三四十粒搗碎塗口鼻上卽不能爲害

惡瘡門主論

王肯堂曰惡瘡諸痛癢瘡皆屬於心諸濕腫滿皆屬於脾心主血脾主肉血熱而肉濕濕熱相合潰敗肌膚浸淫不休不可以定名命之故謂之惡瘡也然有辨焉如疥癬癰疹之屬拂醅氣血在皮膚腠理間者可以表而散內經有謂汗之則瘡已是矣若鬱氣血在肌肉之分外達皮膚作寒熱而生膿者或七情所招或膏粱之變皆宜解內熱不宜汗也張仲景所謂瘡家不可發汗汗之則痙者是矣

一瘡而有宜汗不宜汗之戒蓋熱有淺深表裡故也故瘡在皮膚則當因其輕而揚之汗之浴之外以殺重潤燥皆解凝結涎沫之藥敷之瘡之在肌肉則當因其重而減之瀉經絡之熱清涼氣血外以化膿生肌膏燭之瘡在頭巔則當射而取之須酒製寒涼劑更以風藥升而上之外以殺重解熱藥敷之能明此三者其於治瘡思過半矣

準繩

惡瘡門主方

驗方

種德堂

杏

仁三十粒雄去皮尖

黃一分錢五

輕粉一錢

研末洗淨以猪膽汁調上二三日即愈百發百

中

當歸蒺藜煎

張景岳

治癰疽瘡疹血氣不足邪毒不化內無實熱而痛淋漓者悉宜用之此與芍藥蒺藜相為奇正也當酌其詳

當歸 熟地 芍藥 酒炒

何首烏 各二錢 荆芥穗 炙甘草

防風 川芎 白芷 各一錢

白蒺藜 炒搗碎 五錢

或酒或水煎服然水不如酒以行藥力 陽虛不能化毒

者加桂枝再加乾姜附子 氣虛不能化毒者 加人參黃芪 毒陷不能外達者加山甲皂針

芍藥蒺藜煎

治通身濕熱瘡疹及下部紅腫熱痛諸瘡

黃芩 龍膽草 木通

山 梔

澤

瀉

各一錢五分

生

地

芍

藥

各二錢

白 蒺 藜

連刺搗碎五錢甚者一兩

白水煎服

如火不甚者宜去龍胆草山梔

一切惡瘡不愈

白蜜敷之必效

諸腫毒瘡疼痛不安人所不識者

取獨頭蒜三四顆搗爛入麻油和研厚敷腫處乾

再易之

又方

初起卽用赤小豆井水調敷立消

丹毒惡瘡

馬齒兒搗敷

頑瘡門主論

陳遠公曰人久生惡瘡或手足頭面胸背經年累月
不愈臭腐不堪百藥罔效人所謂頑瘡者言其真
頑醫功無所施力也然亦治之不得法耳人身氣
血和必不生瘡卽間生瘡旬日速愈是生瘡者乃
氣血不和也其不和者或因濕侵或因熱盛或濕
熱寒邪交至以致氣結不宣血滯不散結於皮而
皮生瘡結於肉而肉生瘡久則膿血不淨因而生
虫人又用殺虫之藥傷其皮肉則氣血更虛力難

兼到棄皮肉於膜外而不顧則成瘡矣故治瘡必
以行氣活血爲主而毒與毒不必計也然行氣活
血亦不易也非補氣血不可蓋氣得補而氣自行
一身血得補而血自活於遍體也救頑湯當歸白
朮黃芪熟地麥冬各一兩山萸茯苓各五錢生甘
草三錢柴胡防風連翹各一錢熟附子一片半夏
二錢水煎服二劑瘡口必腫此乃藥助氣血與瘡
戰也乃速愈之兆又二劑不疼而癢矣又二劑癢
止肉生矣又二劑結靨而愈又二劑不再發

永鑑

此方單去行氣活血得補之力也氣行血活虫將安寄故不必殺虫頭瘡自愈矣

又曰有內股生瘡欵如豆許翻出肉一塊宛如菌狀人以為虫蝕外翻也誰知肝經風熱血燥之故乎夫肝熱則生風風乃內風而非外風也外風清涼內風蘊熱故外風宜散內風宜清然清其風而不補血則熱不能解而風不能舒也必於養血之中益以清熱之味則燥者不燥熱退則風自靜矣清風湯白芍一兩人參當歸各五錢白朮黑梔丹皮沙參花粉各三錢川芎二錢柴胡連翹甘草各一

錢水煎服數劑瘡口自斂

此方滋血以養肝非消肉以化毒何以瘡斂而愈
蓋瘡成於肝木之旺平肝而血無過燥之虞自然
風散而熱無炎灼之患苟不平肝而內用降火之
品外用追蝕之法則蝕而又翻翻而又蝕其肉愈
大其氣益虛變出非常恐難援救耳

蓆瘡門主論

申斗垣曰蓆瘡乃久病着床之人挨擦磨破而成上而背脊下而尾間當用馬尾勃軟襯庶不致損而又損晝夜呻吟也病人但見蓆瘡死之徵也 敬立心法曰蓆瘡乃大病後久而生眠瘡也乃皮肉先死不治

蓆瘡門主方

驗方

馬屁勃墊之

又方

小麥麩絹裝成墊褥墊之

又方

葢屋陳爛草研細墊睡

血箭門主論

陳實功曰血箭乃心經火盛逼血從毛竅中出也治以桃花散凉水調敷或金墨塗搽自止內宜涼心涼血正宗

馮魯瞻曰有毛竅中出血者名曰肌衄因陽氣怫鬱於內不能敷揚於外以致陰血上乘陽分留滯腠理日久陽氣開發則陰血不能歸經故血從毛竅出也宜開鬱清氣涼血之劑如相火內動而乘陰分以致熱血沸騰者宜滋陰降火之劑前人主乎

肺熱以肺主皮毛也用男胎髮燒灰撲之有因大
喜傷心喜則氣血隨氣而溢於表者宜涼心以
歎之

岐天師曰知有人足上忽毛孔標血如一線者流而
不止卽死急以米醋三升煮滾熱以兩足浸之卽

血止後用人參一兩當歸三兩穿山甲一片

火炒研末

以參歸湯調服卽不再發此乃酒色不禁恣意縱
慾所致世上人多有之方書未載

秘錄

血痣門主論

陳實功曰血痣乃肝經怒火鬱結其形初起色紅如
痣漸大如豈措之血流須用冰蠅散枯去本痣以
珍珠散搽之生皮內服解鬱平肝之劑如血出不
止過甚者涼血地黄湯主之

正宗

血疔門主論

竇漢卿曰血疔乃藏中虛弱邪氣相侵真氣衰少風
毒閉塞腠理發於肌膚初如紫疥破時出血瘡生
遍身行處成瘡損傷皮肉癢痛難經治法先宜養
血清熱次宜清肌滲濕

全書

疔門主論

經曰手太陽之別名曰支正上腕五寸虛則生疔

疔者音休俗
疔雞眼是也小者指疔疥取之所別也

薛五齋曰疔屬肝膽少陽經風熱血燥或怒動肝火

或肝客滯氣所致蓋肝熱水涸腎氣不榮故精亡

而筋攣也宜以地黃丸滋腎水以生肝血為善若

用蛛絲纏螳螂蝥蝓者艾炙必多致誤大抵此證與

血燥結核相類故外用腐蝕等法內服燥血消毒

則精血愈虛肝筋受傷瘡口翻突開張卒成敗證

矣

正字通云疣小者俗謂之瘰子

疣門主方

驗方

地膚子

白

礬

各等分

煎湯洗數次瘰子盡消

又方

天雨鳴雷時有疣者不與人知自已立於簷下迎
着雷以手抹去瘰子口中默念雷打瘰子快走念
七遍抹七遍向天井外抹即自落

千日瘡門主論

申斗垣曰千日瘡一名疥瘡又名癩子又名晦氣瘡
此瘡如魚鱗生於人手足上生一千日自落故名
之用鷄肫皮擦之自愈一法用蘄艾在初生第一
個上灸之餘皆自落而痊矣 啟立

千日瘡門主論

驗方 谷裕豐

用銅錢一個套住千日瘡上按定取草紙捲成
着燒透炮下的紙條套住瘡上點着燒透取

去又放紙煤燒之不過五七次其瘡根隨手自落
並不痛楚

又牙杜松

治身上忽生豎頭肉肉猴子並斑痣

新石灰

煎各等分

燒酒泡一時即可用每用掃上即起紫泡挑破
出水結疤如點瘰癧須以針微挑破點之

又才 王德山

用蛇蛻擦之即落

終